

BOSNA I HERCEGOVINA
Federacija Bosne i Hercegovine
TUZLANSKI KANTON
JP "Međunarodni aerodrom Tuzla" d.o.o.

Broj: 05/2-45-1003-7/25
Dubrave Gornje, 10.10.2025. godine

Na osnovu člana 69. stav (2) tačka a) i člana 70. stav (4) Zakona o javnim nabavkama BiH („Službeni glasnik Bosne i Hercegovine broj: 39/14, 59/22 i 50/24) i člana 42. Statuta Javnog preduzeća „Međunarodni aerodrom“ Tuzla d.o.o. („Službene novine TK“ broj: 1/17, 9/17, 11/19, 16/21 i 18/21), u ime uprave Javnog preduzeća, direktor JP „Međunarodni aerodrom Tuzla“ d.o.o., d o n o s i:

ODLUKU

o poništenju postupka javne nabavke kamiona sa četkom i plugom

I

Poništava se postupak javne nabavke kamiona sa četkom i plugom, putem otvorenog postupka, pokrenutog Odlukom o pokretanju broj: 05/2-45-1003/25 od 12.09.2025. godine, obavještenje na web portalu javnih nabavki broj: 527-1-1-164/25.

II

Ova odluka objavit će se na web-stranici www.tuzla-airport.ba, shodno članu 70. stav (6) Zakona o javnim nabavkama.

III

Ova odluka stupa na snagu danom donošenja.

PRAVNA POUKA: Žalba se može izjaviti u roku od 10 (deset) dana od dana prijema ove Odluke. Žalba se izjavljuje ugovornom organu u pisanoj formi direktno putem protokola ili preporučeno poštanskom pošiljkom.

Dostavljeno:

- 1 x Uprava
- 1 x Evidencija
- 1 x a/a



DIREKTOR

Dževad Halilčević
Dževad Halilčević

Obrazloženje

U otvorenom postupku javne nabavke kamiona sa četkom i plugom pokrenutog Odlukom o pokretanju broj: 05/2-45-1003/25 od 12.09.2025. godine, rok za dostavljanje ponuda bio je 02.10.2025. godine do 09:00 sati, te na javnom otvaranju održanom dana 02.10.2025. godine u 09:30 sati u prostorijama JP „Međunarodni aerodrom Tuzla“ d.o.o., Komisija imenovana Rješenjem broj: 05/2-45-1003-1/25 od 12.09.2025. godine je Zapisnikom o pregledu i ocjeni ponuda broj: 05/2-45-1003-6/25 od 10.10.2025. godine konstatovala da je dostavljena jedna ponuda od strane ponuđača TP „Omerbašić“ d.o.o. Jelah čija ukupna cijena ponude iznosi 233.000,00 KM bez PDV-a.

Komisija je uvidom u ponudu ponuđača TP „Omerbašić“ d.o.o. Jelah utvrdila da ista sadrži uredno popunjene i potpisane obrasce za dostavljanje ponude i obrazac za cijenu ponude. U pogledu uslova za kvalifikaciju utvrđenih tenderskom dokumentacijom, predmetni ponuđač je dostavio uredno popunjene i ovjerene izjave iz člana 45., 47 i 52. Zakona o javnim nabavkama, zatim ovjerenu kopiju aktuelnog izvoda iz sudskog registra kojim dokazuje da je registrovan za obavljanje djelatnosti koja je u vezi sa predmetom nabavke. U pogledu ekonomske i finansijske sposobnosti utvrđeno je da je ponuđač dostavio ovjerenu potvrdu izdatu od banke kojom potvrđuje da ima otvoren glavni račun i da je bio solventan u posljednjih 6 (šest) mjeseci odnosno u periodu od 12.03.2025. godine do 12.09.2025. godine. Takođe uz ponudu je dostavljena i ovjerena kopija izvještaja o računima izdatog od strane Centralne banke BiH.

Kada je u pitanju tehnička i profesionalna sposobnost, ponuđač je dostavio spisak izvršenih ugovora i originalne potvrde kao dokaz o uredno izvršenim ugovorima.

Dalje pregledom pristigle ponude utvrđeno je da ponuđač nije dostavio fotokopiju saobraćajne dozvole ili potvrdu o vlasništvu, nadalje nije dostavio tehničku dokumentaciju sa karakteristikama iz kojih je vidljivo da ponuđena roba ispunjava minimalne uslove navedene u tehničkim specifikacijama, kao ni odgovarajući broj fotografija ponuđenog vozila na kojima se vidi vanjski dio vozila printane u A4 formatu u formi color print.

Pregledom i ocjenom dostavljene ponude, Komisija je konstatovala da ponuda ponuđača TP „Omerbašić“ d.o.o. Jelah nije prihvatljiva obzirom da ista ne ispunjava postavljene kriterijume za kvalifikaciju u pogledu tehničke i profesionalne sposobnosti ponuđača.

Temeljem iznesenih činjenica Komisija je jednoglasno predložila Upravi ugovornog organa da donese odluku o poništenju postupka predmetne javne nabavke.

Na osnovu prijedloga Komisije za provedbu otvorenog postupka javne nabavke kamiona sa četkom i plugom, ovlašteni organ ugovornog organa donio je odluku kao u dispozitivu.